



Hordaland Fylkeskommune
Opplæringsavdelinga

Postboks 7900

5020 Bergen

Justering av undervisningstilbudet for skuleåret 2015-2016 (klassesaka).

Innleiing.

Ved Norheimsund vidaregåande skule er det ønskje om ein fag- og klassestruktur som er tilpassa elevar frå ungdomsskulen sine skuleval, samt distriktet og næringslivet sine behov.

Ein av skulen sine viktigaste utfordringar er å ta vare på dei tilboda vi har, styrkja rekrutteringa til desse, samt gje eit så variert og breitt tilbod som mogeleg.

Skulen har drøfta noverande tilbodsstruktur med dei andre skulane og næringslivet i regionen.

Gjennom samarbeid med dei nærliggjande ungdomsskulane (*Kvam, Strandebarm, Jondal og Samnanger*), YHO, prosjekt 'Yrkesfag i fokus', bransje- og opplæringskontor og vårt arbeid med skuleutvikling, vil me informere i ulike fora om det tilbodet skulen har.

Me syner elles til skulebruksplanen, del 2, si oppstilling og omsyn til næringslivet og samfunnet sine behov:

- *Det er viktig at utdanningsprogram innanfor dei enkelte bransjar og fag vert lagt til skolar som har relevant næringsliv i rimeleg reiseavstand frå skolen. Sjå uttale nr. 137.*
- *Skolestrukturen må ta omsyn til næringsstruktur og næringslivet sine behov i den enkelte region. Stabilitet og kontinuitet er viktige faktorar for næringslivet, slik at linjer ikkje vert lagt ned ut frå kortsiktige svingingar i industri/næringsliv. Sjå uttale nr. 147.*
- *Føresetnaden for å ha ein utdanningssektor som leverar, er at tilbodsstrukturen er tilpassa kompetansebehova i arbeids- og næringsliv. Utdanningstilbod må dimensjonerast slik at det er samsvar med tilgjengelege læreplasser, og ikkje først og fremst ut frå elevane sine ønskjer. Sjå uttale nr. 99, 137 og 228.*
- *Skolestrukturen skal samsvare med regionsenterstrukturen og alle regionsenter skal ha store og breie skoletilbod. Sjå uttale nr. 99.*



Vg1 Bygg- og anleggsfag

Skulen er glad for å få oppretta dette tilbodet att.

Vg2 Barne- og ungdomsarbeidar

Skulen søker om å få oppretta Vg2 Barne- og ungdomsarbeidar på nytt frå hausten 2015. Dette tilbodet var i skulekatalogen inneverande skuleår og det var diverre kun 5 søkjarar til klassen. Det er svært viktig at skulen får vidareføra barne- og ungdomsarbeidarfaget. Det er eit stort behov for dette faget i Kvam. Elevane vil ha eit nært samarbeid med Kvam herad, og det kan vera aktuelt å bruka meir praksisopplæring for elevar dersom det syner seg at det vert få søkjarar.

Behovet for helsepersonell og barnehagepersonell er ikkje berre ei lokal utfordring, men ei nasjonal utfordring. Særleg ser me at minoritetsspråkleg ungdom fattar interesse for denne type utdanning. I distrikta blir det difor ekstra viktig å ivareta desse tilboda fordi minoritetsspråkleg ungdom ikkje har like sterke ressursar til å reise andre stader i fylket for å ta utdanninga si. Resultatet kan gjerne vera at dei vel ei utdanning på feil grunnlag. Dei vel noko som ligg i kommunen, som dei gjerne ikkje interesserar seg for. Statistisk sett veit me at å velja ei utdanning på feil grunnlag fører til auka fråfall og ikkje fullført utdanning.

Ei anna side ved dei minoritetsspråklege søkjarane våre er at dei gjerne er godt vaksne og har forpliktingar i høve born og familie. Dette igjen gjer at dei har vanskeleg for å flytte på seg. Me ber om at fylkeskommunen tek omsyn til både behovet for fagpersonell i regionen og ivaretakinga av dei minoritetsspråklege, og opprettheld tilbodet om Vg2 barne- og ungdomsarbeidarfaget ved skulen.

Skulen har pr i dag Vg2 helsearbeidarfaget og me ser det kan vera vanskeleg å rekruttere frå ein Vg1 klasse med 15 elevar til to Vg2 klassar. Uformelle undersøkingar vedrørande ønskje hjå elevar på Vg1 dette skuleåret, syne at dei er ganske nøyaktig delt på midten i ønskje om Vg2 tilbod. Og då både til BUA og HEA utdanninga.

Om det viser seg at det blir få søkjarar på begge Vg2 tilboda eller eit av dei – er skulen open for samanslåing av desse i nesten alle fag. Me vil event. tilby om lag 15 rammetimar i programfag som ikkje kan samkøyrast. Dette tilbodet har me hatt før og me har hausta erfaringar som me kan byggja vidare på i framtida.

Norheimsund vidaregåande skule, 27. oktober 2014

Evy Kleivane

Rektor